

თელავის მუნიციპალიტეტის საკრებულოს
სამანდატო-საპროცედურო და იურიდიულ საკითხთა კომისიის სხდომის
ოქმი № 12

ქ.თელავი

4. 10. 2019 წ.

თავმჯდომარეობდა: სამანდატო-საპროცედურო და იურიდიულ საკითხთა კომისიის
თავმჯდომარე ნანა ხვისტანი
ესწრებოდნენ კომისიის წევრები: ტიტე დარეჯანიშვილი, დავით ლაღანიძე, მაია
მარკოზაშვილი, ზურაბ ლილუაშვილი, არჩილ თვალაშვილი, ზაქარია
გრიშკაშვილი.

სხდომას აგრეთვე ესწრებოდა: თელავის მუნიციპალიტეტის საკრებულოს სამანდატო-
საპროცედურო და იურიდიულ საკითხთა კომისიაში მოწვეული
სპეციალისტი მედეა ჩაფურიშვილი.

დღის წესრიგი

1. თელავის მუნიციპალიტეტის საკრებულოს წევრის ზაქარია
ყარასაშვილისათვის სადებუტატო უფლებამოსილების ვადამდე შეწყვეტის
შესახებ.

მომხს. ნ. ხვისტანი

მოისმინეს: თელავის მუნიციპალიტეტის საკრებულოს წევრის ზაქარია
ყარასაშვილისათვის სადებუტატო უფლებამოსილების ვადამდე
შეწყვეტის შესახებ.

აზრი გამოთქვეს: ნანა ხვისტანმა კომისიის წევრებს გააცნო საკრებულოს მაჟორიტარი
დეპუტატის ზაქარია ყარასაშვილის განცხადება, რომლითაც
დეპუტატმა აცნობა საკრებულოს, მის მიმართ, გამამტყუნებელი
განაჩენის გამოტანის შესახებ, კერძოდ 2019 წლის 17 სექტემბერს
თელავის რაიონულ სასამართლოში, გაფორმდა საპროცესო
შეთანხმება, რომელიც ეხება ზაქარია ყარასაშვილის მიმართ,
სასჯელის სახედ პირობითი მსჯავრის გამოყენებას. ნანა ხვისტანმა
ასევე განუმარტა კომისიის წევრებს რომ აღნიშნული გარემოება
საქართველოს ორგანული კანონის „ადგილობრივი

თვითმმართველობის კოდექსის 43-ე მუხლის შესაბამისად წარმოადგენს, ზაქარია ყარასაშვილისთვის უფლებამოსილების ვადამდე შეწყვეტის საფუძველს, კომისიის თავმჯდომარემ აღნიშნა ასევე რომ მომზადდება დასკვნაც, უფლებამოსილების ვადამდე შეწყვეტის შესახებ და წარედგინება საკრებულოს სხდომას.

გადაწყვეტეს: კომისიის მიერ მომზადებული დასკვნა ზაქარია ყარასაშვილისთვის უფლებამოსილების ვადამდე შეწყვეტის შესახებ, წარედგინოს საკრებულოს სხდომას ცნობად მისაღებად.

კომისიის თავმჯდომარე:

ნ 

ნანა ხვისტიანი

თელავის მუნიციპალიტეტის საკრებულო

სამანდატო, საპროცედურო და იურიდიულ

საკითხთა კომისია

2200, ქ.თელავი, ერეკლე II გამზ. 16 ტელ: 599323778, ელ. ფოსტა: nanakhvistani167@gmail.com

დასკვნა

კომისიამ განიხილა თელავის მუნიციპალიტეტის საკრებულოს წევრის ზაქარია ყარასაშვილის განცხადება იმის შესახებ რომ, მის მიმართ თელავის რაიონული სასამართლოს მიერ 2019 წლის 17 სექტემბერს განხილულ იქნა თელავის რაიონული პროკურატურის შუამდგომლობა საქმის არსებითი განხილვის გარეშე განაჩენის გამოტანის თაობაზე, საქართველოს სისხლის სამართლის კოდექსის 276 მუხლის მე-6 ნაწილის შესაბამისად, რომელიც გულისხმობს ავტომობილის ექსპლუატაციისა და მოძრაობის უსაფრთხოების წესის დარღვევას, რამაც გამოიწვია ადამიანის სიცოცხლის მოსპობა.

აღნიშნული შუამდგომლობა დაკმაყოფილდა და ზაქარია ყარასაშვილის მიმართ, გამოტანილი იქნა გამამტყუნებელი განაჩენი.

ყოველივე ზემოაღნიშნულიდან გამომდინარე საქართველოს ორგანული კანონის, „თვითმმართველობის კოდექსის“ 43-ე მუხლის შესაბამისად, საკრებულოს წევრს ზაქარია ყარასაშვილს შეუწყდა სადეპუტატო უფლებამოსილება 2019 წლის 18 სექტემბრიდან და საკითხი, ცნობად უნდა წარედგინოს საკრებულოს სხდომას.

კომისიის თავმჯდომარე

6. 

ნანა ხვისტანი